

ACADEMIÆ GISSENÆ RECTOR, TOTUSQVE SENATUS ACADEMICUS OMNIUM FACULTATUM STUDIO SIS, S. P. P.



Quod in communi hominum societate, quæ auro & pretiosissimo cuius pretium suum statuit, nec opibus parari, nec ab ullo mortalium donari, nec vel casu vel hereditate contingere potest; sed indefesso labore, summo studio & opera tantum maxima acquiritur, solida Eruditio est. Proinde qui felicitatem ex hac emanantem in industria quoque sitam esse dixerit, à vero neutiquam aberrasse censetur, quod ejusmodi operosam diligentiam viam ad vitam perfectam sternere asserant viri olim & nunc inter celebratissimos reputati. Et quælo quis beatitudinem hanc in hominem absque labore statuerit esse conferendam, nisi, qui de Poëtarum fabulis audeat asserere, eantem de celo datum esse Heliado, cum juxta Heliconem gregem pascens cantantes Musas obvias habuisset; aut quem illud de Epimenide Cretensi somnium deleat, tradentium sopore illum detentum beatum effectum esse? Sed non est illa à literatura orta felicitas Amaltheæ cornu divinitus tantum immixtum; necesse est hanc ad felicitatem aspirantes vigilis semper & laboribus distineri, & nunquam quiescenti Ulyssi assimilari, tantopere ab Homero ob inconcussam laborum actionemque patientiam decantato. Conferre interim naturam quoque Symbolum suum iis, qui clarum è literis & Eruditione nomen per orbem circumferre laborant, negari nequit, imo verò nisi quædam nobis concessa indoles fuerit, frustra erimus, & à Minerva destituti, cui ancillatam industriam jungamus necesse est, nisi nostram navim sine remige, lyram sine cantu, sine nervo arcum nostrum velimus. Hic verò liberalis labor bino illo sensum, oculorum puta atque aurium ministerio absolvitur. Illo quidem quando Bibliothecas lustramus, & quæ primi bonarum artium inventores tradiderunt, quosque ingentes suæ pretium operæ thesauros nobis reliquerunt, evolvimus, & ita salutari mortuorum assidemus concilio. Hæc est illustris illa oracula fundens Phœbi cortina; hæc Minervæ ipsius apotheca; hæc celebre Mercurii est salinum, unde candidissimos sales, facultates omnes, & omnes scientiæ deprimunt, unde id sibi idoneus lector acquirit, ut suam non solum ætatem bene tueatur, verum & omne ævum adsciat suo, & quicquid ante ipsum fuit annorum sibi acquirit, atque inter res pulcherrimas è tenebris alieno labore erutas ineffabili voluptate detineatur. Hoc verò quando Doctorum & vivæ vocis præcepta sedula aure haurimus, quem in finem Academiæ ab illustribus erectæ publicos Professores alunt, à quibus, quæ ad omnigenam eruditionem parandam idonea fuerint, audias, atque ea percipias, quæ ad vitam non tam bene instituendam, quàm beatè transigendam conducant. Et ista quidem fideli ore tradita ita percipias, ut quæ vix lectione mentis liceat assequi, hic unica hora ordine congesta maximo compendio addiscas, & majori in usus tuos conferas utilitate. Venum hoc tempus, *Civis Academicus*, confuendinis Academicæ nos admonet, ut futuros labores & exercitia publico catalogo significemus. Et quando ad speratam messem agrum suum providus agricola præparat, nostrum quoque erit sementim facere, ut maturus tandem Eruditionis fructus colligamus. En igitur hic publicè reclusas Musarum tabernas, si amatores vos allicere, & propriæ necessitudinis possimus commovere! En vobis merces nostras, nullo quidem vestro dispendio, sœnore verò amplissimo comparandas! Attrectate, feligite, in usus vestros convertite! Si sic fieri solet, dicetis, res obvia. At scitis aliis in rebus finitimum voluptati fastidium esse; hæc verò Eruditionis etiam sapsimè repetitæ oblectamenta displicere non posse, quin potius in ipsa felicitate non naseamur nobis, sed novam appetentiam excitare. Imitamini Eruditorum illos, qui à Tiberio Cæsare custodis traditi extremi supplicii loco habebant, quod cum libertate studendi solatium ereptum sibi esset, ac proinde viventes se efferrî, spirantesque infodi putabant. Imitamini, inquam, hos, atque omne otium mortem esse, ac vivi hominis sepulchrum, opinionem vana non decepti existimate. Genium vestrum defraudare nolite; adeste, seligite, ut deliciis his fruamini! Hic vobis non tam promittitur, quàm repræstatur ipsa, quod sermone vario linguam, & quod animum moribus egregiis attemperat. Hic quicquid in Historia varium, in Eloquentia sublime, in Marathi admirabile, in Philosophia reliqua reconditum, in Medicina necessarium, in Juris scientia prælustre, in Theologia sacrum est, plenissima vobis lance offertur. Accedite ad laetitias & literarias dapes, quibus nullæ epulæ, nullæ ludorum aut altarum rerum, quas in oculis gerere mundus solet, illecebræ sunt conferendæ! His indulgete, his invigilate! Quid enim posset aut in præsens delectabilis, aut in futurum utilius excogitari, quam universum orbem sine molestia & sumptu mente permeare; auribus percipere & haurire, quicquid uspiam præclarum est, & excellens; è Stoa præviis Ducibus in Academiam transire, ex hac in Lyceum, & familiarissime uti Platone, Aristotele, Theophrasto, Seneca, atque aliis virorum insignibus? Quid posset accidere jucundius, ac è specula quasi contempleri, regnum ortus, progressionem, inclinationes; videre naufragia sine metu; sine periculo spectare bella; abditiore viscera sine fatigatione rimari; sine repulsa ingredi ædes Principum; Sapientum consilii sine censura interesse? Quid denique posset contingere beatius, quàm templorum sacra sine sacrilegio subire, & qua vera religione tremendum colatur Numen, animadvertere? Exposita hic vestra felicitas est, quam ut assequi vobis liceat per preces & industriam, calenti voto exoptamus t. Valere. P. P. 23. Mart. A. 1673. sub Sigillo Acad. Majori.

IN FACULTATE THEOLOGICA.

PETRUS Habertorn, S. Th. D. & Prof. P. per hunc præteritum in Collegio privato Tomis II. Bellarmini, contra eum disputando, absolutus, & in Lectionibus publicis finitæ Materiæ totâ de S. Eucharistiâ, per ætatem instantem, Deo dante, in Collegio privato reliquis II. Bellarmini Tomis, illos refutando, pertractabit, in Lectionibus publicis reliquos Articulos Theologiæ, v. g. de Vocatione, Fide, Justificatione, &c. perspicue & solide explicabit & contra quoscunque Adversarios, pro ratione Systematis Theologici, vindicabit.

JOHANNES NICOLAUS MISLERUS, S. Theol. D. Ejus & Hebr. Ling. Prof. in Jesuitæ Masenii medicat. Concord. Tractat. 1. loca reliqua, volente Deo, publicè absolvet, methodo hæcenus observata. Collegium privatum Disputatorium, ut & Hebraicum Exegeticum, juxta seriem Articulorum fidei, instituit.

PHILIPPUS LUDOVICUS HANNEKENIUS, SS. Theol. D. & Prof. Ord. Stipend. Rei Episcopi & Ecclesiæ Publicas imminuentis ætatis Lectiones questionibus dogmaticis & historicis gravioribus impendit explicandis certâ methodo, ut suæ qualibet seriei, etiam si singulis horis utraq; tractandæ, quant in feri. *Privatim* contra Photinianos aut Papistas disputabit, desideratumq; à nonnullis Conclonatoriis exercitiis instituet, largiente in omnibus vires animi corporisq; Servatore nostro Jesu Christo.

IN FACULTATE JURIDICA.

HARTMANNUS JACOBI U. J. D. Consiliarius in-tim. Hasso-Darmstadin. Regiminis & Academiæ Cancellarius P. P. Deo clementer annuente non solum Consiliis & Responsis, sed etiam reliquis, quæ Officii ratio requirit, studiis atq; curis, Bonum Publicum impigre promovere perget.

ANTON-HENRICUS MOLLENBECIUS, A. J. U. D. & Prof. Ord. præterito semestri materiam successionis, tum ex testamento, tum ab intestato publicis prælectionibus absolvit, & simul famosissimum Tit. de R. D. & A. E. D. Proximè nunc, juxta ordinem, celebrioris sequ. exponet materias: de *Servitutibus, Prescriptionibus, Donationibus &c.* Privatim Collegiis & Feudorum & Pandectarum nuper ad finem perductis, denuo similia, vel quæ grata atque utilia Auditoribus visa fuerint, aperiet exercitiis, præcipuis ad Inst. & Pandectas disputatoria.

NICOLAUS CHRISTOPHORUS Jünder, Jur. Dr. & Prof. P. Extraord. in Lectionibus publicis Criminalia tractabit; privatim verò Collegium Institutionum Disputatorium instituet, vel aliud quoddam ex voto Auditorum.

IN FACULTATE MEDICA.

JOH. TACKIUS, Philos. & Med. D. hujusq; Prof. & Archiater Hasso-Darmstadinus, quousque in Aula commorabitur, scriptis in publicum emittendis, consiliisque Medicis tam Hippocratico, quàm Hermetico è fonte deprimendis, suam Philatriæ præstabit opem. Ubi verò otium aulicum ipsi ad Academ. aperuerit viam, non cessabit, publicè privatimq; pro Medicinæ Studioforum spe & expectatione suam indefessam præstare operam.

LAURENTIUS STRAUSSIUS, Med. D. & Prof. Ord. Affectus Infirmi præsertim Ventris viscera p. n. infestantes ad ductum D. Cæteri in Tab. hæcenus observatum, ita publicè explanabit, ut non nisi potiora, & ad praxin potissimum facientia cum Auditoribus communicet. Quoad *privatim* verò Exercitiis Philatriarum desiderio designatos labores accommodabit.

MICHAEL Heiland, Phil. & Med. D. & Prof. Ordinarius. Publicè Humorum doctrinam Lunæ & Martis diebus continuabit; Reliquis verò duobus Facultates Vegetabilium, quæ Hortus præcipuis Noster Medicus colit, exponet, securus ductum, quem antehac in sponte nascentibus observavit. Privatim quoque Dnn. Studioforum studia pro posse promovebit.

HIERONYMUS Köttel, D. & Prof. Extraordinarius, quousque extra Academiam commorabitur, Scriptis & Consiliis è Medicinâ deprimendis suam Studiofis exhibebit operam. Postquam verò ad Academiam redibit, pro placito Dnn. Studioforum facili suam declarabit promptitudinem.

IN FACULTATE PHILOSOPHICA.

KILIANUS RUDRAUFF, Prima & Org. Phil. Prof. Accp. Pedagogiarum, in Logice tradet ex lib. 1. & 3. selectiores materias, in Metaphysicis in doctrina de DEO perget explananda, methodo, quæ cepit. Publicè habebit disputationes, quæ pertinent ad Commentarios Logicos & Metaphysicos, illos absolvendos, hos promovendos, nec non Philosophiam suam Theologicam continuabit adaugere ac perficere. In privatim Collegia disputatoria Logica & Metaphysica pro votis Dnn. Auditorum instituet ulcerius.

JOHANNES Weiff, Mor. & Civ. Prof. Ord. in explicandis tabellis Politicis perget, & materiam de Bello, Pace, Federibus, &c. hæc tempore Dnn. Studiofis scitu valde necessariam publicè Lectionibus illustrabit. Et cum hæcenus gratia Dei Exercitationes Ethicas recognitas publicè disputando absolvet, Collegium Politico-disputatorium in universam Civilem Prudentiam per theses & axiomata (methodo in exercitiis publicis citatis recepta) publicè, quousque Dnn. Respondentium copia erit, proponet. *Privatim* quoque Collegia Ethica & Politica explicatoria-disputatoria pro lubitu Dominorum Commilitonum aperiet.

LAURENTIUS STRAUSSIUS, Med. D. & Physic. Prof. Ord. in Lectionibus publicis, Mythistoriam Physicam, seu *Fabulas Physicas* non paucas veritati restituere allaborabit; privatim verò tam examinando, quàm disputando, ubi ita Dominis Studiofis ariserit, physica principia ac præcepta, DEO adjuvante, instillare conabitur.

HEINRICUS PHASIANUS, Histor. Oratoria & Poët. Prof. Ord. ac p. s. Acad. Rector, quantum per negotia Rectoralia licebit lectiones publicas proficietur. Privatim quoque Collegia Historica & Oratoria Dnn. Studiofis grata aperiet.

FRIDERICUS NITZSCHIIUS Ph. & J. U. D. & Mathem. P. Ord. futuro semestri V. D. Arithmeticam, Vulgarem atq; ac Cosmicam seu Algebra publicè proponet; Privatim verò tam in cœptis Collegiis perget, quàm satisfaciens aliis operam suam desideraturis. In Jure Civili Privato pro Dnn. Studioforum capto pariter ac usu Autorem pertractabit proficiuâ methodo; In Jure verò Publico Brautlachi Epitomen explicabit.

DAVID CLODIUS, Ling. Orig. & Græcæ Prof. P. Ord. ætate proxima, Linguam Græcam, publicè profitebitur, ejusque ortum, propagationem, mutationem, dialectos, & quæ Philologicæ in ea considerari merentur, explanabit; Quo peracto si quid restat temporis, difficiliora & exotica Testamenti Novi, enodabit. Privatas horas desiderio atque optioni Dnn. Auditorum in universum relinquet; Disputare itidem gestientibus de materiis Philologicis operam suam promptissimè exhibebit.

GISSÆ HASSORF,

Typis JOSEPHI DIERENICI HAMPELI, Typog. Ord. Acad. excudebat Nicolaus Schmidius.